

地250.99
38
部三二一~12

奉新縣志

同治十一年重修

第一冊

附塔圖	坊都	浴草	輿地志	卷一	凡例	姓氏	卷首
風俗	山川	疆域	輿地志	繪圖	舊修姓氏	序	舊序
物產	古蹟	附郵舖					



泰新語彙



重修奉新縣志序



邑之有志所以驗民風考政治由來舊矣奉邑之志草創於前明永樂之十二年其時體例尚未大備嗣後成化元年一修之嘉靖元年一修之迨乎

本朝

聲教四訖文運日昌一修於康熙之元年再修於乾隆十五年再修於道光之

呂序

四年迄今未及五十載稽之於時未為甚久顧自咸豐五年粵逆蹂躪之後十一年復被肆掠所在殘毀諸如衙署梵宇或重加改作而已易舊基或任其瓦礫而未及起造且如為國捐軀之夫潔身殉難之女事關大典尤不可不亟為備錄是時雖未久而較之尋常數十年

間其急於修緝之故雖未久而不啻其
已久也予於五年攝篆是間即有志於
是其時以措費維艱且五日京兆瓜期
瞬屆未及如願懋先爰補是缺存之於
心而未嘗出之於口也正在籌思之際
適大府有修通志之舉檄各屬纂修
邑志固已實獲我心矣爰措費設局擇

呂序

二

日舉行奉邑固冠帶相望之邑其鄉大
夫鄉先生之與斯局者莫不悉心搜緝
詳加校勘因更延邑之有道能文者如
帥石村侍御輩總理其間是役也經始
於同治九年之仲夏告成於十年辛未
之冬季夫事之難成一艱於人一艱
於費今奉邑一再被兵而樂助者踴躍

輸將不呼而集從事者趨公黽勉不約
而同夫而後典章法物治化人文與夫
兵燹以後小而地輿形勝之或變其形
大而忠勇節義之不可滅沒者皆按志
可考而不慮其無徵矣予固不文將藉
是以知政之得失俗之盛衰亦未始非
居官者考鏡治術之一助也是為序

呂序

三

同治十年歲次辛未孟冬月知南昌府
奉新縣事陽湖呂懋先譔



重修奉新縣志序



江西通志自雍正初謝中丞纂輯以後紀載闕如者百四十餘年劉峴莊侍郎持節是邦閱往載之多湮慮傳聞之滋感慨然有志于修復將以發潛闡幽脩廢舉墜義至重也又以通志必有所因發教屬縣各脩其志彙送省局以備採擇于時呂晉庭明府治奉新已數稔撫字催科事有成效拓集邑中文士賴頌墀宋雲浦余礪堂鄧筠心彭曉帆李味煠鄧懿三謝襄廷甘甸方劉小霞趙近思鄧



香谷劉蓮谿熊紫笙劉梧岡彭樸胎
袁靄堂晏茗村分任纂輯僉以科名
屬余總纂時余年老癯病幸諸君
子懷鉛握槧朝夕從事閱數月草創
告成以授梓人又數月書成為卷十六
諸君子僉謂一時盛事不可無以紀之
也請為之序弁諸首簡以示將來余
覽其書而善之喜職方之有乘幸文獻
之可徵為序數語俾來者有所攷焉
時

同治十年歲在辛未仲春月穀旦

賜進士及第

誥授中憲大夫前掌京畿道監察御史加
四級隨帶加二級紀錄三次邑人帥方蔚

頓首拜 謹



舊序

永樂奉新縣志序

奉新古海昏之地而晉更曰新吳焉在豫章西山之西越嶺之東山川秀麗風俗淳美便工商之業通物產之利庠校之士勤經業而登科第者簪紱輝聯故爲豫章望縣也永樂十二年秋欽承上命出宰斯邑嘗求縣志竟弗克獲居歲餘以董工趨事北京十五年冬暮還適邑庠希文詹廣文持帙而告曰是編也乃縣志大概前此簿判上虞孫公敏才命司訓雷陽楊公永源採摭草創未幾孫以朝覲行揚以丁艱去欲類之而莫果也顧君子成人之美予因

奉新縣志

卷首

舊序

感而歎曰好事之難成有若是耶且修舉廢墜爲政之先務也予奚敢後之遂以是本邀諸進士張公淳禧暨邑士葉思濟毛蘊德李克躬日就學宮正其訛舛補其遺缺編次成類俾諶克偉胡仲器校正書藁來獻予受而覽之於是一邑之形勝風土山川人物古蹟名宦文類詩章瞭然在目矣諸士子請予序其端予謂之曰郡邑之有志所以紀事實登文物則風俗之淳漓士習之隆替一覽可徵惟我聖朝制作復古典章文物超越於前崇學校而賢才輩出重農桑而國賦有章設壇壝所以嚴祭祀之禮謹鄉飲所以篤淳厚之風閱此數事則志之關於政教也不爲不

重矣是造端於孫楊而成就於今日則所以成其美者爲
何如哉遂命工鉅梓以著於一方俾後之人有所考而續
云縣令江都趙理序

成化奉新縣志序

志書之作其來久矣肇於上古之九邱繼於禹貢之敷土
其志未備至漢地理志始爲詳悉唐圖十道宋編九域則
紀載詳矣洪惟我朝統有萬邦圖輿之廣風化之盛凡在
郡邑莫不有志奉新邑志雖存而記載之體繁簡之宜去
取之公觀者不能無憾成化紀元幸蒙朝廷遣官纂修郡
邑圖志時本學司訓邵忠暨邑之儒士王承緒毛有倫等

奉新縣志

卷首

舊序

二

同心協力而採錄之集成卜吉以進惟藁是存於是時邑
令天台謝公煖以儒官牧斯邑不三年六事畢舉百廢皆
興成化庚寅冬陞爲九江守將之任懼是錄歲久散逸乃
屬予編次成集予不容辭遂會集本學司訓鄭和顧望相
與討論復延本邑致仕同知孔惠質正於是以新舊二志
互相讎校訛者正而遺者補繁者芟而新者續一邑之內
山川地理之勝賦稅生齒之繁風俗人才之盛學校壇場
之美人焉忠孝節義之著士焉文學才行之高與夫名宦
政績題詠詩文靡不分門類聚登載無遺書成釐爲八卷
邑之典幕廣宗李慶詣予曰邑志之作所以紀一邑之盛

事誠風化之所關也可祕乎哉遂捐已俸用繡諸梓以永其傳而屬予弁其簡端嗟夫是書之集豈但誇一時之文物豈但資一時之檢閱而已哉蓋欲後之生於斯者覽之知某忠某孝某節某義思以景仰之官於斯者覽之知某循某良某政某教思以景行之士農工賈之居於斯者覽之又知某人文行之高某人出處之正各思以務其業以勵其行以承先哲之聲光於不朽以享太平之盛治於無窮也然則是書之關於治化也大矣豈小補云乎哉遂書以俟後之執筆者教諭古閩林滄亭

嘉靖奉新縣志序

奉新縣志

卷首

舊序

三

奉新古名邑也在漢爲海昏之地及典午平吳遷孫氏其上更曰新吳石晉天福二年徐知誥代吳稱唐惡新吳之名若相並峙始改曰奉新亦後世去忌喜讖之意山川之秀麗風俗之淳樸人物之俊良戶口之蕃衍財賦之充實與夫儒林梵宇之森立仙源聖蹟之靈異南昌之屬邑有八而奉新不多讓焉至我國朝聲教四訖號稱易治迄今百五十年世趨江河治道判去牧茲土者雋否不一鼓舞之機寢不古若重之以逆藩煽虐灾歲頻仍而民滋狡僞者日眾詞訟蔓興奸究蜂起自是釀成華林之嘯聚剽掠十餘年而始散民風至是一大變矣嗚呼古之新吳卽今

之奉新也豈天之降才爾殊哉要亦所以作之者之術異其趨焉耳新天子改元之初年雲鳳猥以庸劣承乏茲土始至值兵凶之餘百度凋敝閭井蕭條人民桀傲催徵勾攝殊費心力兼之才與任違莫知所措黽勉從事勞勩萬狀朞月稍有成殆及瓜期則政蹟民風歷歷若有可志會武廟升遐禮官檄天下郡邑各萃實錄與志文實相表裏而邑博三君子皆發跡賢科東南時髦雲鳳時相款洽有麗澤之益焉一日雲鳳語之曰紀事莫大於志書大傳曰天子有問無以對責之凝有事而不志責之丞司馬遷不作志遂使三代秦漢之制度沿革不傳有識者至今不能

奉新縣志

卷首

舊序

四

不爲浩歎今江右省郡皆以時修輯而吾治邑志尙爾缺典司風教之任者責將安歸僉曰諾時學訓南海陸君希旦性資純孝自捧檄家居卽留內子侍養而獨處官舍者已六稔於茲矣講次有暇應餘有文遂假秉董狐之筆編摩撰次之功實任其責而學諭毛君德亨同官葉君子鍾互相參訂眾善咸集不數月而志書有成其爲卷凡若干各有論列綱則大書目則分注宛然國史矩度置之篇帙殆未可甲乙者是則可嘉也已若其分列次第則曰地理曰財賦曰宮室曰羣祀曰儲卹曰秩官曰選舉曰人物曰恩例而外志兩卷則以祥異爲始而以詞翰終焉梓而行

之者則雲鳳顯主其事共濟其美者則同寅邵君衡甫吳君士瞻董其工者則幕銜林子景輝也邑博三君子謂雲鳳有提調之責當序諸簡首故僭次其顛末如此若夫啟百世復古之功基一代維新之制以備他日太史之采錄者深有望於後之君子焉吾何敢縣令烏程朱雲鳳序
康熙元年重修奉新縣志序

南昌之屬有八奉新差小其山川人物之勝恒與他邑之大者埒其從新吳更斯名也自後晉之天福始也其官是邑之賢者徵文考獻多爲之誌今百餘年實缺焉則自明之嘉靖止也嘉靖以後相承太平至啟禎歷世寇亂迄乎

奉新縣志

卷首

舊序

五

本朝兵荒間有其間懸日旣博掌故無存綜述其政事得失之因民生盛衰之數備采風助宣化傳之久遠眾信罔愆非徒一名一物辨定是非舊見舊聞補刊缺謬知不足焉有不知學不博焉有不學問不審焉有不問憑臆之私入耳出口之計猶之乎短綆之汲深駑足之駕遠也噫其難之已黃君以關隴名英官奉新甫二載政教之餘邑志修舉諸如地輿建置大小義類於舊志從同不爲異若夫賦役代更人物歲益災祥滄薄之日變於舊志加詳考舊志朱邵諸君之作在嘉靖四年迄

本朝順治康熙年間其中歷邑令無論賢不肖殆數十人數

十人不能志必以俟黃君者才之不相若也且由今視昔凋敝於奉新方甚術賦狃而窮心反喪而苦有時而捍禦亦與之爲捍禦不得已而催科亦與之爲催科其簿書也綦繁其期會也綦迫其論說於家戶也綦勞前此數十人或稍暇於今而皆不遑志今之他邑其勞苦概猶之奉新而志者亦恒有不暇茲黃君之書歸然集成矣人才之不相若又何啻什伯此尤可見之哉噫予於此重有感也江西布政使司右布政王庭序

周官有內史有小史有列國之史其小而相附以見者各有紀事之書又小史之遺也事當掌載故實而人心風教

奉新縣志

卷首

舊序

六

興善備勛之道寓焉今一邑百里不依然古小侯國哉古者晉之狐楚之相各爲其地之良以炤耀於時自郡縣以來古法寢廢雖省郡視大國屬邑視附庸沿習古意雜見修舉而世掌不專臨文多隱治忽詳略之間古今不相及有闕遺矣奉新爲南昌郡部邑之一畫疆而理有山川出雲物有高下原隰邱陵陂澤產財貨有社稷壇壝主祈報有戶口之增耗有賦役之繁簡有人才之盛衰官秩之賢不肖皆在所關重載籍世守之曰文老成覩記能稱道之曰獻奉雖小而附郡哉徵文考獻其可附見者附見之專紀者專紀之正不相概也今其邑志闕焉無考者迨百年

矣其間耕戰迭興一切致民之具隨時取濟而古法相繩較然得失慮不可見矣世運三十年爲一世過此將求之於聞更過此將求之於傳聞求之於傳聞卽上下五六十一年間事將傳信傳疑岌岌乎放逸是懼况邈焉隔代中更百年保無蕩然無餘者乎是誰之責也抑奉之爲邑也田植飭薄浮糧泛賦倍於宋元原額以故地僻而民日貧逋負相積其來官者率困於成法繭絲不暇考課恐後於諸治體損益或未講求夫令長之職豈徒專土田督賦稅已乎蓋將經久遠厚風俗察民疾苦斟酌於古今之通而爲治乃手口拮据一堂之下一日之間紛然於庸人之擾欲

奉新縣志

卷首

舊序

七

何爲也就此百年內由今視昔較時孰暇較民孰罷較賦役孰亟較簿書期會上作而下應也孰難而孰易當不可同語以昔人之易已不能難今日之難乃欲以今日之難而更易昔人之不易無惑乎缺焉百年寢以湮遠鮮有克舉者矣隴右黃君宰奉邑之明年邑之所難漸以就易乃優優於閒暇之力而備補百年之闕不有大遠乎俗吏之爲之耶且其爲書也義有緩急辭尙體約則而覈詳而徵忠而不刻簡而有關董教者視此無悖行修政者視此無遺慮不尤有大遠乎俗吏之爲之耶黃子之官於奉也亟是志也以明政也庶幾其不愧乎古矣兵備道周體

觀序

夫志也者誌而傳之也非徒備一時之故事乃爲他日徵
文獻耳奉新志遠不可考而編序所及蓋成於有明之永
樂間也江都趙君實爲勦始烏程朱君復輯於嘉靖時已
爲重修矣迄今多歷年所滄桑屢變黎棗不壽竟成闕典
予實宰斯邑詎可任之於是延邑之孝廉文學就館而議
纂修焉然予之修也亦重修也若修廢而更前人之絃仍
廢也何修乎故條例綱目一遵舊章雖時至事起踵事增
華不無益贅於其間亦惟期於舊廢具舉正訛補遺非敢
云於舊有加也至於修志之深心讀志之觀感與夫志中
之節概皆前賢所已序及者茲不附筆焉非略也懼襲耳
是集也經始於順治辛丑歲十一月至康熙元年夏六月
告成縣令黃虞再序

奉新縣志

卷首

舊序

八

志者史之表也古往往以史氏掌之誠重之也所以重之
者以四方之利弊興除雖遠而數千里久而數百年皆具
備尺幅中可以指數而經畫之而徐施其補救也則志之
與政又相因焉奉邑舊有志久缺未修邑侯黃公隴右名
進士庚子春王來牧茲邑釐弊政清積逋鋤豪猾新釐序
將三年報最乃詔紳衿耆舊謀所以續之爲凡例若干卷
授孝廉文學採集時事侯爲折衷潤色以爲一代一邑之

信史藁三削而始告成夫奉新之志自萬曆九年而至今日僅六七十年往當道徵求則斷簡蟲篇等諸闕文興利除弊諸大政更莫考其原始孰有如今日之明備哉侯之留心於志正侯之留心於政也是侯之政足以仁奉邑而有餘侯之才足以壽奉邑於不朽卽後之吏斯土者不惟按志而知典故始如入政府而指南之矣其有造於我做邑詎小補云爾乎余以樗材謬附數言簡末而不能窺侯之深且大猶一詞之莫贊焉耳是爲序邑人宋士琇序
重修奉新縣志序

奉新縣志

卷首

舊序

九

周禮小史掌邦國之志外史掌四方之志邦國之志如春秋傳所稱周志王朝之志也四方之志如魯春秋晉乘楚檮杌之屬今郡縣之各爲一志者類是志載之傳蓋自古爲隆矣我

朝聲教遐敷無遠弗屆旣纂修

皇清一統志以備邦國之典而四方郡縣雖邊徼荒陬亦莫不有志余於雍正二年奉

命出守廣西之太平則修其府志閱二年備位中丞則又修其省志并檄各郡縣皆從事焉夫以粵西僻居天末而志乘一修其間山川土田人物藝文莫不燦然明且備者有以知

本朝

聖聖相承崇功盛德休養生息涵煦於百年之深也余邑居吳楚之衝於四方爲中土里閭父老子弟幸生無事之時相與樂其畎畝而習其絃誦其受

聖朝之化育尤非荒僻比顧縣志自康熙元年修後迄今七十餘年未有重輯之者此豈可缺焉而不講乎甲寅秋余由粵藩擢春卿之貳入京師道經里中訪求先哲遺文問或一得諮詢遺事而故老猶有存者蓋天下之平久矣及此不修恐故實遂就湮沒因命兒輩舉斯役也爲例授之旣數年歲已未長兒禾走京師遂挾成書以質云是與鄉先輩共訂草本余公餘詳閱稍爲更定其中記載增舊十之奉新縣志

卷首

舊序

十

七體例則大異於前而頗無乖謬余旣喜縣志之重修而又歎

聖朝德化吾邑數十年間人文駿盛科目繁多將必有抱道德而立功名以垂芳於

國史者出焉則豈惟邑乘之生色而已也此余於修志之下而重有所望者歟是爲序邑人甘汝來遜齋氏序

乾隆十五年重修奉新志序

奉新在前明稱巖邑其地多深林複塹峻嶺崇山又當五嶺要衝自春秋時越勾踐耀兵於此三國吳太史慈拒劉磐六朝余孝頃備侯景南宋岳武穆破李成代經兵燹元

季史普清陶八都胡紹遠陳龍帥元濟諸劇賊先後蹂躪
十餘年僞漢陳友諒挾以自雄久之乃定明正德中華林
嘯聚盜殺官兵甚熾重以逆藩煽虐狡獪滋逞遷延而紅
巾流毒訖明之世干戈四起

國朝順治初年金聲桓王得仁餘孽猶肆猖獗而康熙甲寅
乙卯間楊富黨復貽害焉蓋其勢便習慣使然而明爲特
甚况斯邑水泉寒冽地田磽确豐稔歲僅足民食方友諒
之割據龍興也兵多餉匱賦增三倍明祖惡其抗梗遷怒
羣黎仍其弊以示罰凋敝之後繼以逃亡以故明之官斯
土者撫字催科交形其拙考輒下下逮替相尋目爲畏途

奉新縣志

卷首

舊序

十一

匪伊朝夕洎涵濡乎

聖化俗始漸馴風始漸草乾隆十四年歲在己巳秋九月予銜
命來涖以疇昔所聞未若今茲所見甫入境吏謁馬首卽向索
志乘思得其土宜風氣之梗概以宣

上德意而學製美錦焉顧所呈乃康熙元年前令黃君之所裁
定閱今九十年闕焉未講且其書失板二十餘片斷殘莫
考此九十年中風會升降民物豐耗與夫制度典章人文
治化一切茫如竊懼其散軼難稽也慨然思有以續之及
到官檢牒欣見制府黃公蚤籌及此通檄所部因時編緝
予雖不才承乏茲邑益何敢後爰汲汲焉徵文考獻廣蒐

羅充聞見期有以副憲懷述鄙志明年春得冢宰甘莊恪
公命其嗣君愛廬主政所纂志藁一帙手筆巨麗規模粗
具喜有徵矣遂籌費設局廣延邑多聞宿學諸君子分修
總校折衷至當其體例則坯胎甘藁而間參損益其去取
則遵承憲檄而裁以公直其於舊志則仍其記錄補其滲
漏正其訛謬刪其俚蔓而於新事慎擇嚴收戒穢懼濫惟
功令制作將以憲章百世蓋不敢不詳焉是役也經始於初
夏告成於孟冬別爲四圖三表六志十三列傳釐爲三十
卷夫而後九十年以來之事蹟於是乎有成書矣夫而後
奉新之爲奉新今之大異於昔所云者於是粲若列眉瞭

奉新縣志

卷首

舊序

三

如指掌矣蓋

國家承平百餘載釐剔奸弊澄清吏治休養生息皞皞熙熙
中間攤丁以輕徭汰浮而薄賦

恩膏叠沛正供視舊額歲減及半僞漢前明之厲政偏窳奉民
浸淫數百年倒懸莫解者久矣出水火而衽席之也懷生
樂土莫厥攸居齒字殷繁服習勞苦陂塘山澤之利以時
興舉凡深林複塹峻嶺崇山甌脫畸零磽确寒冽之鄉莫
不漸成沃壤崇學校廣士額

制以十六條朔望讀法教民興行編保甲以嚴守望辨淑慝以
大激揚民之生也耳聞詩書而目不識兵革士陶禮而淑

樂氓向義而知方曩時勢便習慣囂然不靖之心不知消
歸於何有澤靜荏符村恬雞犬狺歟盛矣雖古康衢華胥
何多讓焉此習俗隨氣化爲轉移時勢閱今昔而改觀也
夫

皇朝聲教覃敷重熙累洽超躐文景方駕唐虞光天化日之下
飲和食德蓋遠被於雕題鑿齒黃支烏弋薄海內外重譯
胥然葺爾奉邑云乎哉然而風會不遺於一隅故實各匯
於所掌詳書備載固猶是職方之遺意也且將使斯民宰
牧因禮讓信義之俗進謀夫誠和平康之治易昔日之所
難而不憚難今日之所易俯循職業仰答

奉新縣志

卷首

舊序

三

朝廷外孚輿情內酬素學俾後之覽者有所考識於是冊也顧
不重哉若夫趣尚樸淳衣冠鼎盛或紀載所已及或耳目
所周知襲前侈美弗敢贅焉特敘其因革之大者以見志
緣地起地以事傳之義云耳至於載筆愧乏乎三長昭信
姑俟夫千載世或予諒而慎別裁辨亥魯事增於前文省
於舊則庶幾有一得焉是爲序知縣楚攸余瀚序
乾隆十五年春奉制憲明檄兩江郡縣修輯志乘以周知
所部土地人民仰佐

聖天子明目達聰勤求民隱之至意奉新爲江右屬邑三楚余
公實爲之令承檄開館設局延請儒紳殫心一力敬慎奉

行始事於是年四月十二月告成宗聖備員邑丞蒙堂臺
時以疑義諮訪八月堂臺分校鄉闈丞奉例署篆月餘更
得總覽大要參與可否竊惟我

國家久道化成風移俗易至今日而極盛無加卽奉邑可徵
焉夫丞無分職而貳於令嫌不可否事自古而然而宗聖
以關西一介十年於茲性愚也而民不敢欺性懦也而民
不敢侮董漕丞職也每歲秋冬刻日輸將不煩敲撲起運
之際十二鄉漕米聯檣接艦次第整列丞以扁舟往來自
馮川以至吳鎮自吳鎮以達章門晨夕無愆得以如期告
至幸免隕越古稱余不負丞而丞負余今余未必不負丞

奉新縣志

卷首

舊序

西

而丞自不負余豈勢驅使然哉良由此邦人民沐浴

聖天子仁漸義摩之至化封疆大吏以及司牧又能奉宣以實
無遠勿届無微不周是以里多君子戶有淳風庶僚下位
咸樂其職如此也謹因告成之暇以所驗於奉邑民風者
颺言簡末若夫山川土地之美人才物產之盛與夫古今
藝林之傳記則志書具在允可傳信云縣丞楊宗聖序
地必有志所以記其山川土風民俗大王會而尊

朝廷也

皇帝御極十有五載薄海內外至治至安於是舉行巡狩之禮

歲辛未

翠華南幸臨蒞江浙將以省方問俗以復古三代之治甚盛
典也先是兩江制府黃公符下所屬郡邑咸使編纂志書
以備輶軒之採適楚攸余侯以名進士來治奉乃集邑人
士蒐羅文獻條理既具侯於公餘損益而折衷之閱八月
而書始成奉新爲南昌屬邑春秋當吳楚之交漢爲海昏
地隸豫章晉爲新吳南唐始爲奉新僻在山壤旣非通邑
衝衢足以據天下之勝又無名山大陸江湖飛泉之美與
夫英雄戰鬪之蹟仙佛棲止之場足以供憑弔而侈游觀
故自明以來志多簡略

本朝順治初邑宰黃侯虞再始加重輯然考據未精多有遺

奉新縣志

卷首

舊序

五

漏至於侯取而刪定之缺者備疑者去於山川土風人物
蓋燦然具矣是役也邑能文士咸集而家弟光祖實與校
讐兒子驥亦得從事於斯脫稿卽緘寄余余待罪塞外三
年於茲望故鄉在天際得是書讀之展卷如瞻桑梓一邱
一壑幼時漁釣之所歷歷在眉睫間何其幸也余昔嘗備
員史局每觀古今記載之書其失實者固多至於採輯無
人因而遺軼者又不知凡幾奉新一彈丸耳由春秋溯今
未必無可傳之事其幸而載在史冊固足以垂不朽否則
如飄風逝煙過而不復留耳今得侯網羅而搜輯之雖山
陬小邑無關於天下之大然而千八百餘年山川之名勝

風俗之遷移政治之所留遺名賢之所過化至於忠臣孝子義夫節婦之芳蹤高流逸品文人才士之著作皆不至等諸飄風逝煙同其澌滅侯之功洵不可誣矣抑余更有進焉

國家氣運所開有時而極盛

本朝

列聖相承涵濡教育百有餘年故雖窮陬僻土亦皆人文蔚起有可觀者而侯以湘南名宿適當其盛益足以鋪張而潤色之以揚光

熙代王會之隆而應制府之命斯其際也敬爲屬言之如此郵奉新縣志

卷首

舊序

夫

示家弟並以質之侯或得附諸簡末邑人帥念祖蘭皋甫序

皇上御極之十有五年海內熙晏民物阜康將以明年仲春舉南巡之典

翠華所至省方問俗必徵文獻於是部使者檄所部郡縣各修地志以備採風而我邑侯浙三余公以名進士蒞任茲土恭承憲命踴躍告修上年冬余假居里門邑侯邀余督理其事余謝不敏會余欲就選亦不果留侯聞余有舊修志稿亟請於余余因得而正告之曰僕之有斯志也非敢曰僕之書也實先大夫手澤之所存焉憶雍正甲寅之秋

先大夫由粵藩內擢假歸里中與鄉士大夫言邑乘未修者將八十年矣懼邑故之久而遂湮也時僕侍側因顧謂僕曰兒輩得毋意於是乎爰手爲凡例授焉既踰年僕馳驅京洛顛倒名場未有以應也丁巳冬倦遊而返先大夫復賜手書促舉其事用敢請於縣尹趙君趙君忻然爲設館於縣署之左徵請邑中博學而能文趙君質齋帥君葑房暨家阮樹畹三人者與俱昕夕共事相得無間閱數月稿成凡志表列傳爲若干卷錄副本挈之走京師就正於先大夫先大夫公餘篝燈筆削頗費苦心己未夏僕挈稿南歸急欲謀之削氏不謂邁羅閔凶先大夫遽騎箕而上

奉新縣志

卷首

舊序

七

仙僕喪事倥傯此舉遂至中輟迄於今未就嗚呼先大夫之棄世今且十年人事變遷蓋亦多有斯志也僕豈敢自以爲一邑功亦惟是藏之家閣守而勿失俾後人見先大夫老年手澤之所存焉已矣孰知夫又可爲此日之張本也哉今旣承明命公諸同好斯亦先大夫之志也其曷敢靳今年夏予居京邸有人自南來問之則知我侯糾眾局修剋日成帙規模次第聞多據依舊本而以我侯之巨筆張皇潤色於其間燦然明備釐然條貫中以應列憲之求而上以備

清問之及顧不美歟夫以我侯蓄道德而能文章爲邑徵文考

獻成百代之傳書又何事訪舊襲跡下採芻蕘乃謙沖自
牧不居作者因是而余之所藏以爲一家之書今竟爲一
邑之書俾先大夫當日盛心一旦得而展揚謂非厚幸也
哉於其成也敢爲著其原委焉是爲序邑人甘禾愛廬甫
譔

後序

晉摯虞依禹貢周官作畿服經於州郡縣分野山陵水泉
鄉亭道里土田民物風俗靡不具悉凡一百七十卷齊陸
澄因之聚一百六十家之說爲地里書任昉又增陸書八
十四卷謂之地志今州縣之志蓋昉諸此矣顧州縣之有

奉新縣志

卷首

舊序

六

志同也而其所以爲志則有必不能同者何耶今夫自畿
輔以達於天下通都大邑名勝之所與夫窮陬僻壤海隅
邊徼搖尚瘴癘之鄉其大小遠近衝僻繁簡雖有不同至
於分野山陵水泉鄉亭道里土田民物風俗則皆有之矣
記載者亦舍是無由也然而猶有必不能同者非記載之
有異也先後部次疎密詳略之間作者之意將於是乎傳
之矣譬諸人五官四肢百骸其所同也然而天下之人卒
未有同者則莫不各有其傳焉者也奉新之有志自宋始
馬氏通考載張國均新吳志二卷作於嘉定甲戌今其書
已亡明景泰嘉靖萬曆皆有志

本朝順治間曾修之距今近百年於茲乾隆己巳制府宮保黃公飭所屬兩江郡邑修輯志乘檄下適楚攸余侯來治奉下車首延紳士廣諮文獻庚午乃設局致餼招邑人士搜羅而考證之先是乾隆三年邑冢宰莊恪甘公首修邑乘光謬與校讐之列與其冢嗣愛廬趙君質齋甘君樹晚編次甫脫稿會莊恪公捐館舍未釐定而罷至是侯取其舊本因革而損益之而光菲材復蒙侯芻蕘之訪益得以悉心商榷凡有未安者侯於公退之餘復手自刪訂書成爲表三志六列傳十三附之以雜志紀事凡爲卷二十有八光於是得以窺侯用意之深而歎古今作者之艱也夫

奉新縣志

卷首

舊序

九

志記之書作之難修之尤難取數百年之事裒之於一手此非有過人之才與識固有所不能若夫筆削已成之書使是者存非者去考據不極其明何以服前人之心去取不衷於當何以免後人之議則夫部次先後疎密詳略之間正未得而輕言之矣昔韋述作西京記宋敏求以爲未備演之爲長安洛陽二志司馬光序之稱其開卷燦然足爲博物之書今侯之爲志奚以異是光不敏兩與斯役深悉侯之意而次其崖略如此蓋旣幸得挂名於簡末而尤喜前此之所爲猶得附於摯虞氏之列也邑人帥光祖葯房氏謹序

道光六年重修奉新縣志序

南昌郡城西陸行百二十里有邑曰奉新其地重岡複澗
峯崒繚繞名山以百數獅山最勝川數十而馮川河源最
大其他名賢講學之地仙釋棲隱之窟詩人逸士遊寓之
所若梧桐華林百丈劍井丹井諸遺蹟見於題詠者爛然
盈冊奉雖巖邑哉固名勝之區也邑在漢爲海昏地中平
時立新吳縣後或并或省至唐永醇復置其易今名則自
南唐始迄今不改邑有志自宋始明永樂時乃重修然二
志皆佚其後嘗經四修入

奉新縣志

卷首

舊序

二

其闕略何也蓋以斯邑當吳楚之衝爲嘯聚之藪自三國
迄元明屢經兵燹卷帙散佚官斯土者有志整理宜邑人
之踴躍從事也道光癸未奉 大憲飭修縣志歲甲申余
自吉州移守南昌邑中方汲汲纂修今值余護理贛關而
邑志適成邑令鄒君屬余序之余曰志非徒備闕遺也所
以佐爲治之不逮予嘗聞磐山之下有拾遺鏃者云吳太
史慈與劉繇相拒於此其遺城尙在梁陳時邑人余孝頃
舉兵拒侯景擊侯瑱應蕭勃王琳皆出入新吳閩宋時李
成盜據江淮張俊岳飛敗成樓子莊卽邑西地也元至正
時經劇賊蹂躪復爲僞漢竊據明時江西盜起華林越嶺

之間盡爲賊寨其後宸藩之叛李大變李肅十之亂蓋幾
戰爭無虛日矣

聖朝受命二百餘年仁化所被兵氛悉靖邑之巖疆遂成坦途
民生不見兵革而安於畝畝衣食以樂生送死非由於
上之功德休養生息涵煦歷年之深曷克致此哉後之蒞斯土
者考其山川察其風俗覽志所紀載訪羅胡諸君講學之
地則知學校之宜修闕王劉二公題減浮糧之疏則知賦
歛之宜實思濂溪蘇黃之舊跡則知名賢之遺風尙在過
岳王舊祠則知武功之未可盡廢於以稽其地之險易驗
其土之肥瘠以觀其戶口之增耗酌其歲時之豐歉本實
奉新縣志

卷首

舊序

三

心以行實政以興民利以佐

聖天子廣愛民之澤者將於是乎在又豈特以備闕遺乎哉護
理江西吉南贛甯兵備道知南昌府事吳興鄭祖琛撰
心之所之謂之志記事之言亦謂之志無是心者弗論矣
有是心而無同是心者亦無以遂其心而終其事縣之有
志所以記事也記之於心久而或忘記之於書遠而弗失
然非有志乎此不能始其事也非皆有志於此不能成記
事之書也奉新前志或佚或存乾隆庚午楚攸余君韓班
修葺頗爲完善因時久事增壬寅癸卯閱又嘗議修訂稿
迄未竟事統計至今闕略者蓋七十五年矣予承乏茲土

視事初卽有志乎此延訪邑士大夫亦咸以文獻所繫積
久不爲蒐葺將廢墜堪虞因以重修志乘請予深韙之正
籌議間會大府有修通志之舉檄各屬纂修縣志以備稽
考事與機合遂禮請邑中紳士名宿設局重修任纂輯者
有人襄局務者有人兼以城鄉好義者眾踴躍輸將不勞
而集經始於道光癸未秋孟竣事於甲申仲春甫八閱月
哀然成帙凡三十餘萬言以付剞劂余謏劣不文雖懷是
志時惴惴焉弗成是懼志不堅則不能成眾志不合亦不
能成志合而力不繼亦垂成而終敗其成茲之速底於成
而予得樂觀厥成者以予之志合諸君子之志得諸君子

奉新縣志

卷首

舊序

三

之志輔予之志至是奉新之志成而予之志亦遂於以歎
諸君子之志爲不可及予幸附名簡端厠博雅之林而竊
記事之譽詎非大快予志之事歟遂書之以爲志序知縣
荏平鄒山立撰

縣志一書視郡志通志雖小而其成也視郡志通志爲難
郡志通志雖體勢閎濶究之合縣志而郡志成合郡志而
通志成事本於因若夫縣志民親事近肇端造始其中一
切沿革廢興損益盛衰之故歷年旣久採訪維難流傳不
一加以人情之愛憎淆之物論之公私淆之事蹟之眞贗
淆之徵信末由折衷匪易故治縣者或苦於簿書鞅掌而

志不暇逮卽志逮矣而或艱於經費或阻於時事輾轉而不能卒成道光甲申夏五余攝篆奉邑適前令鄒君松崖修縣志告竣鄒君涖治五載政通民和廢者以興墜者以舉慨然念前志之未備與邑之賢士大夫往復商榷精心搜討補缺訂訛不逾載而書成按奉新一志昉於明之永樂再修於成化三修於嘉靖至

國朝康熙元年前令黃君修之乾隆庚午余君修之距今七十有餘載矣問諸父老乾隆癸卯前令剛君欲修正之局已設而中止今鄒君不苦於簿書鞅掌之繁不艱於經費籌畫之累不阻於時事人地之嫌而毅然修之修之而卽以成之然則事無難易顧在爲之者何如耳余不敏繼鄒君後夙夜敬慎時以忝職爲懼語云前事不忘後事之師也况念先高祖虹亭公以博學鴻詞薦入詞館與同時五十人纂修明史而余一官落拓著述無聞公餘之暇得此成書流覽披誦雖未獲躬親其事而適際其成不可以不志誠不欲積狃於俗吏之爲以忝家聲且爲凡有職守遇事而畏難苟安者勸也恭遇

聖朝文治光昌圖書大備直省通志郡志縣志次第增修而江右南昌府屬之志獨奉新先成申之上憲吾知必嘉其急當務而成功速卽鄒君之政治亦從可識矣至其體製之

詳綜核之密與夫山川之靈秀風俗之茂美城郭學校之增壯人物科名之鼎盛覽者當自得之是爲序署知縣吳江徐培譔

歲在丙戌余攝篆新吳公暇得接見邑中士大夫僉以校正志書爲請先是前任鄒明府奉

大府檄開局修志經始於癸未秋孟竣事於甲申仲春分門別類叙次謹嚴而蕘事迅速字畫間有訛舛會鄒明府調任豐城欲改正而未果余乃向諸君子而言曰志以傳信也若因一字一句之譌而滋後人之疑則此書廢矣諸君子用力於先曷弗施功於後於是徐芸門太史涂菊人

奉新縣志

卷首

舊序

三

廖槐峯兩大令重加釐正分條簽改復接宋梅生觀察緘寄改刊各頁余彙而觀之文無增益而字畫體例改正無訛諸君子有功於是書甚大余藉是以終鄒前任之事則是書之幸而亦余之幸也刻既竣遂誌其緣起如此署縣令沈鑑跋

奉新縣志目錄

卷首

序

舊序

姓氏

舊修姓氏

凡例

繪圖

卷一

輿地志

沿革 風俗

疆域 附鋪 物產

坊都

山川

古蹟 附塔園

奉新縣志

卷二

卷首

目錄

學校志一

學宮

書院

試院 附略田

卷三

學校志二

會館 附略義舉

登瀛集

鄉集 附略業陸

卷四

建置志一

城垣 附觀

官署

防汛

秩祀 附儀

祠廟

寺

卷五

建置志二

津梁 附修路

水利

卷六

食貨志

戶口

田賦

蠲賑

恩賚

漕運

倉廩

卷七

秩官志 統轄 知縣 縣丞 教諭 訓導 巡檢 典史 主簿 稅課大使 武職 封爵

卷八

人物志一 宏詞科 進士

卷九

人物志二 舉人

卷十

人物志三 童科 辟薦 恩賜 諸貢 武科甲

卷十一

人物志四 應例 雜進

奉新縣志

卷首 目錄

二

卷十二

人物志五 封廕 遺獻 寓賢 殉難紳民

卷十三

人物志六 列女 貞女 節婦

卷十四

人物志七 列女 烈婦 孝女 孝婦 賢婦 壽婦 才女

卷十五

藝文志 書目

卷十六

雜志 祥異 紀事 撫聞 方外 壟墓 補遺

續修姓氏

鑒定

欽加道銜 賞戴花翎調補南昌府知府許應鏞 廣東番禺縣人 癸丑進士

總修

奉新縣知縣呂懋先 江蘇陽湖縣人 監生

協修

奉新縣儒學教諭汪文瀾 廣昌縣人 辛酉拔貢

奉新縣儒學訓導朱祥國 建昌縣人 歲貢生

監修

奉新縣丞張士強 雲南永善縣人 附貢生

奉新縣志

卷首

續收姓氏

奉新縣羅坊司巡檢唐文瀚 湖北棗陽縣人 監生

奉新縣典史劉肇城 貴州貴筑縣人 監生

編纂 以下皆本縣人

賜進士及第

翰林院編修掌京畿道監察御史 欽加道銜帥方蔚 北鄉人 丙戌探花

協纂

刑部安徽司主事賴運揚 縣市下坊人 癸丑進士

即用知縣署安徽歙縣知縣宋家蒸 北鄉人 乙丑進士

己亥科舉人截取知縣余泰和 奉新鄉人

大挑二等現任玉山縣訓導鄧竹 縣市鄉人 癸卯舉人

分修

吏部稽勳司兼文選司主事甘常俊

法城鄉人辛未進士

兵部武選司郎中謝桂滋

建康鄉人壬戌舉人

大挑一等分發安徽試用知縣劉家序

從善鄉人壬戌舉人

丙午科舉人揀選知縣彭泳春

奉化鄉人

己酉科舉人揀選知縣李辛

同安鄉人

壬子科舉人揀選知縣鄧德宣

縣市鄉人

甲子科舉

人鄧樹聲

南鄉人

甲子科舉

人劉夢庚

歸德鄉人

甲子科舉

人趙垂煜

縣市鄉人

奉新縣志

卷首

續修姓氏

二

丁卯科舉

人熊和聲

北鄉人

光祿寺典簿銜前任安福縣訓導徐樹椿

縣市鄉人附貢生

壬戌科副貢生候選教諭劉鳳階

奉新鄉人

甲子科副貢

生彭寶淑

進城鄉人

增廣生

員袁功時

新安鄉人

附學生

員晏心一

新興鄉人

督理

生

員趙拜庚

縣市鄉人

軍功五品銜湖北候補道庫大使徐樹棟

縣市鄉人

附貢

生廖杏春

縣市鄉人

五品封

職廖雲瑞 縣市鄉人

收掌

劉家序 從善鄉人

袁功時

校對

員鄒立德 新興鄉人

羅照書 建康鄉人

繕寫

周郁文

賴際仟

廖守郁

金銘恩

金兼善

奉新縣志

卷首

續修姓氏

三

舊修姓氏

宋志二卷 邑令張國均修 見文獻通考今逸

明永樂志 知縣趙理 簿判孫敏才 司訓楊永源

邑紳士張昭 葉思濟 毛蘊德 李克躬修 見原序志逸

景泰志 名缺

成化志 知縣謝焮 教諭林涓 司訓邵忠

邑紳士孔惠 王承緒 毛有倫修

宏治志 名缺

嘉靖志 知縣朱雲鳳 訓導陸任忠修

萬曆志 邑紳士黃卷修

奉新縣志 卷首 舊修姓氏

國朝順治志 知縣黃虞再 邑紳士閔敏 潘美修

乾隆庚午志 知縣余潮 邑紳士等分修 進士甘志道

張星景 涂錫穀 舉人 蔡尙才 帥光祖 廖漢

宋五仁 帥家駿 王世仁 副貢 徐為煊 徐道復

歲貢 趙開泰 廩生 甘立德 提調 奉新縣典史阮正楷 校

刊武進士徐學物 武舉 廖聘 廖振 經理武舉

徐敵 繕寫 生員 曹涓 張馮翼 徐江 監梓

貢生 蔡鴻才 嚴達洪 生員 譙任賢 許人瞻 監生 徐

讓 徐成鵬 鄧錫桂 陳鍾競 王颺顯

道光甲申志 知縣鄒山立 邑紳士等分修 進士趙敬

襄 宋鳴琦 徐心田 嚴暉吉 舉人 涂日耀 廖守

修 徐豐 帥廷幹 甘立暘 張綬祖 趙惠霖

帥方蔚 許定璠 羅夢鯤 吳鳳鳴 廖為庸 鄧

祖瑀 蔡禧臻 古化淳 黃烜 生員 張五經 許

烜 涂任田 督理州 廖映暄 生員 鄧敏修 收掌

監生 甘本煌 生員 帥芝生 潛承曜

丙戌重校姓氏 知縣沈 鑑 邑紳衿徐心田 涂

日耀 張五經 廖與超 廖映暄

奉新縣志凡例

一舊志成於乾隆庚午經今七十餘年前於壬寅癸卯間曾開局編纂雖已脫稿未及成書茲又閱四十餘載事蹟愈多修輯宜亟欲卽舊本逐條增入未免冗繁欲爲續本與舊志並行恐滋歧異今一以舊本及癸卯底稿爲主參酌省志府志重加排纂體例略殊固不敢菲薄前人亦不必拘泥陳迹覽者諒焉

一地志之作原貴簡明考韓邦靖朝邑志止二十七葉自明以來推爲絕作然其自序猶以舊志爲疎略次則康海武功志亦止二卷合諸萬季野閩百詩諸家所論知著書自

奉新縣志

卷首

凡例

一

有體裁今茲所輯雖卷帙較繁而事勢應爾愧未能追步康韓亦仍期免譏冗漫

一郡縣志原與諸史不同史書列傳亦未嘗盡有標目舊志自名臣以下分十二類其中名臣治行儒林文苑之分前人自有權衡今之所續殊難論定故以選舉并歸人物依類登載務去浮詞實事求是冀觀者入目瞭然其未登選舉者則以遺獻概之孰名臣孰治行孰儒林文苑以俟後之君子

一是編分總目八分子目五十有六各隸於總目之下曰輿地分沿革疆域坊都山川古蹟六子目而風俗物產附焉

曰學校而學宮書院社學試院登瀛集以類從焉其列於建置之前者尊聖教也曰建置分城垣官署防汛秩祀祠廟寺觀津梁水利諸子目而以公儀附於秩祀之後曰食貨而戶口田賦蠲賑恩賚漕運倉廩詳焉曰秩官名宦在其中倣浙江通志之例凡有事實於姓名下雙行夾註明以前封爵附焉曰人物選舉在其中事實雙行夾註如名宦曰藝文邑先輩所著之書凡已傳者備存其目其舊志及今續補之詩文爲地與人與事而存者依范石湖吳郡志之例各註於地與人與事之下無可附麗者入於雜誌雜誌則首祥異而以隴墓殿焉

奉新縣志

卷首

凡例

二

右凡例四條皆壬午志所酌定視前志較爲完備迄今垂五十年中間兩經兵燹雖典章不無因革之殊建置亦有今昔之異今但依類增入事則從新法仍由舊故於原例無甚損益云

奉新縣全圖

奉新縣志

卷首

繪圖

縣境全圖



南



奉新縣志

卷首 繪圖


二

治縣



北


署縣




奉新縣志

卷首

繪圖



學宮




奉新縣志

卷首

繪圖

四





奉新縣志

卷首

繪圖

五

試院




奉新縣志

卷首

會館圖

登瀛集



百丈山




奉新縣志

卷首

繪圖

七



鳴盛堂向北

男直七丈三尺

橫七丈

過廊向北

男直三丈三尺

橫三丈

廣華堂向東 直三丈 橫五丈

耆德祠向南 直五丈九尺 橫三丈

蓬萊館向西 直三丈四尺 橫三丈

倉屋向北 直五丈三尺 橫五丈

廡屋向西 直四丈六尺 橫九尺



奉新縣志

卷首

繪圖

八

志之有圖由來舊矣奉邑山川之袤廣城池之高深與夫聽政之區育賢之所篇帙具存纖悉皆備然不假諸繪事肖厥形方將恐讀者了然覽者茫然矣舊志圖四今悉仍之益以考棚登瀛集百丈山三圖蓋試院所以興人才鎮山所以壯巖邑必為指畫乃獲昭垂又舊本圖各有說懼滋辭費茲悉從省而識其大凡於此